



საქართველოს რეპუბლიკის  
 ტერიტორიული დევილია,  
 შრომის, ადამიანთა და  
 სოციალური დაცვის სამინისტრო



**პროექტის სახელწოდება: „გზა შინისაკენ: ზრდასრულთა ალტერნატიული სოციალური სერვისების განვითარება საქართველოში“**

პროექტის ხანგრძლივობა: ივნისი, 2020 – დეკემბერი, 2023

პროექტის დონორი: ჩეხეთის განვითარების სააგენტო

პროექტის განმხორციელებელი: ჩეხეთის რესპუბლიკის კარიტასი

ბიუჯეტი: 20 000 000 CZK/ 2 600 000 ლარი

**პროექტის მოკლე აღწერა:**

პროექტის “გზა შინისაკენ: ზრდასრულთა ალტერნატიული სოციალური სერვისების განვითარება საქართველოში” მიზანია ბენეფიციარების ინდივიდუალურ საჭიროებაზე დაფუძნებული, ზრდასრულთა ალტერნატიული სოციალური სისტემის განვითარება საქართველოში. კერძოდ, პროექტი მოიცავს შეზღუდული შესაძლებლობების მქონე პირთა ორი დიდი საცხოვრისის (მარტყოფი და დუშეთი) დე-ინსტიტუციონალიზაციის პროცესს და ამ დაწესებულებების ბენეფიციარებისთვის შესაბამისი საოჯახო ტიპის სერვისების განვითარებას. პროექტი ინიცირებულია სახელმწიფო ზრუნვისა და ტრევიკინგის მსხვერპლთა, დაზარალებულთა დახმარების სააგენტოს მიერ და სრულად ეხმარება საქართველოს მთავრობის მიერ ხელმოწერილი და რატიფიცირებული, გაეროს შეზღუდული შესაძლებლობის მქონე პირთა უფლებების დაცვის კონვენციას და შეზღუდული შესაძლებლობის საკითხებზე ეროვნულ პოლიტიკას.

პროექტის მიზანი მიღწეული იქნება ადამიანის უფლებებზე დაფუძნებული კომპლექსური სტრატეგიების განხორციელების საშუალებით. პროექტის სტრატეგია ეფუძნება შემდეგ მიმართულებებს:

- **პროექტის სამუშაო ჯგუფი:** ოკუპირებული ტერიტორიებიდან დევნილთა, შრომის, ჯანმრთელობის და სოციალური დაცვის სამინისტროსთან (MoIDPLHSA) სამუშაო ჯგუფის ჩამოყალიბება, პოლიტიკის შემუშავებელთა, შეზღუდული შესაძლებლობის მქონე პირთა თემისა და სფეროს ექსპერტების მონაწილეობით, რომელიც ჩეხ ექსპერტთან თანამშრომლობით განიხილავს და მოამზადებს რეკომენდაციებს პროექტის განხორციელებასთან დაკავშირებით. ასევე მეთვალყურეობას გაუწევს პროექტის მიმდინარეობას;
- **ნორმატიული მარეგულირებელი პაკეტის მომზადება/განახლება** ზრდასრულთა საოჯახო ტიპის სერვისების ჩამოყალიბებისთვის (ხარისხის მართვის სახელმძღვანელო, კონცეფცია, დეინსტიტუციონალიზაციის სტრატეგია, ტექნიკური რეგლამენტი, შესაბამისი კანონმდებლობისა და რეკომენდაციების მიმოხილვა, მონიტორინგის ჩარჩო დოკუმენტი, ა.შ);
- **ბენეფიციარების ეფექტური ტრანსფორმაციის პროცესის ხელშეწყობა:** ბენეფიციართა ინდივიდუალური საჭიროებების და ასევე, საცხოვრისების პერსონალის შეფასება, ყველა ჩართული მხარის სწავლება და განათლება, საოჯახო ტიპის სახლებში პერსონალთან ერთად ბენეფიციარების მაქსიმალურად დამოუკიდებელი ცხოვრებისთვის მომზადება. გაზიარებული იქნება ჩეხური გამოცდილება ჩეხი ექსპერტის ჩართულობით. დაიგეგმება ჩეხეთის რესპუბლიკაში სასწავლო ვიზიტები პოლიტიკის შემუშავებლების, სერვისის მიმწოდებლების, სამუშაო ჯგუფის წევრებისთვის;
- **ახალი სერვისებისთვის ინფრასტრუქტურის განვითარება:** (5-6 საოჯახო ტიპის სახლების/ბინების და მარტყოფში არსებული ნაგებობის ხანგრძლივი მოვლის დაწესებულებისთვის აშენება/გარემონტება და აღჭურვა);
- **ცნობიერების ამაღლების კამპანია:** სათანადო ინფორმაციული გარემოს შექმნა ბენეფიციარების საზოგადოებაში ინტეგრირებისთვის, საზოგადოებისა და ადგილობრივი პოლიტიკის შემუშავებლების ცნობიერების ამაღლების გზით.

მთლიანობაში, პროექტის პირდაპირი სამიზნე ჯგუფია დუშეთის საცხოვრისის 47 და მარტყოფის 68 ბენეფიციარი და დაახლოებით მზრუნველობის სახლების 115 თანამშრომელი.